

۵ رمضان سنه ۱۳۳۶

جمعه

۱۴ حزيران سنه ۳۳۴

صاحب امتیاز و مدیر مسئول حسن کاظم

ملک عثمانیه - امت اسلامیہ ایچون مفید اولان آثار
مصحفہ لر منہ آچیتدر درج ایدلمیان اوراق اعاده ایدلن.

مطبوعہ وادارہ خانہ سی: استانبول باب عالی جوارندہ
ابوالسعود جادہ سی: نوسرو ۷۵ اصحاب سراجاٹہ
مرساعت آچیتدر

حزین صوفیہ

شمدیلک هفته ده بر نشر اولنور

سر محرری: مصطفی فوزی

تاریخ تاسیسی ۱۳۲۷ سنه هجری
سنه ۸۰ اعتباریہ ممالک شاهانه ایچون پیشه
اوله رق ۸۰ آلتی آیلمی ۴۰ غروش
ومالک اجنبیه ایچون ۲۰ فرانقدر

نسخه سی ۶۰ پاره در

تصوفی، دینی، اخلاقی، ادبی، سیاسی جریده اسلامیه در

نوسرو ۱۴۳

خواجہ زادہ حسین وحی بک برادر منک بر غزل طالبرینہ نظیرہ در :
 فتنہ دور زمان ، مستشوق دوران کورمشز
 جوق پریشان اولدیق آما جوق پریشان کورمشز
 عشق حوری ، حسن سوری دن کوکل ذوق آلبور
 بدردن مستغنی یز مہر درخشان کورمشز
 بحر ووصالت ، نور ظلمت بعدین یکسان بزم
 جلوه می محسود رضوان وجہ تابان کورمشز
 سادہ بز یاندق طوتشدق صانعہ ای روح ، ای بدن
 عالمی باشندن باشہ عشقیہ سوزان کورمشز
 جانہ منتدر فدای جان ایدرسہک بز دخی :
 کاشانی اول بتک اوغرندہ قربان کورمشز
 بزم جوشا جوشہ طامش ، عزم نوشا نوش ایله
 وجده گلش ، سجده ایتمش اهل عرفان کورمشز
 واری بيلم اهل دلدن هیچ درآغوش وصال
 مرکی کوردکسہ ہب ہجرانکریبان کورمشز
 مرشی استعدادی مقداری اولور تسبیح خوان :
 جلہ موجوداتی بز اللہپرستان کورمشز
 (عشق) دن دم اورمہ یز وحی تادب ایلر
 چونکہ بز اول حضرتہ اکوانی حیران کورمشز

رجب وحی

انسان کامل اویوماز :
 اگر عرفان ایله اکلارہ کہ جانان اویوماز :
 تبوی وصالت جانان ایچون انسان اویوماز
 دل بر نشئہ وجده کیرمہ نوم وسنہ
 آندہ خیرسز نہ کزر ؟ صاحب دیوان اویوماز
 عشق اویور ، عاشق اویور ، اولسہ معشوقہ هدف
 کوز اویور ، کوزسز اویور ، روح درخشان اویوماز
 غفلت آلود سوا ، نفس وقوا اویقودہ در
 فقط آیینہ ذات صمدیتدر او وجدان اویوماز
 نہ در اوازہ بلبل ، نہ در احکام فلاک ؟
 اویور آنلردہ فقط دیدہ کریان اویوماز
 اویور انجم سیارہ ، ثوابتہ قر
 شب دیخورده ہمان شمعہ ایمان اویوماز
 سیر عشقہ قرص نوارہ طلعتہ اویور

غم اندوہ ایله درویش پریشان اویوماز
 اویور الفاظ ومعانی کتاپ امکان
 ۱-دیتلہ اولان سینہدہ قرآن اویوماز
 رمض (لاناخذہ سنہ) سرنی کور
 اکا منزلیک اولان ساحۂ عرفان اویوماز
 بتون اشیای جهان اویقودہ (الناس نیام)
 اویوماز هیچ نفس اقدس رحان اویوماز
 اویوماز درویش اولان شام وسحر عشقہ دوشر
 شب وصالدر آفوزی اویانق جان اویوماز

مصطفی فوزی

اجتماعیات

اسماء حسنی شرحی = اسلام اخلاق

معرجی
 حضرت امام غزالی

۱۴۲ نومرولی نسخہدن مابعد :

حالبو کہ بو بالکس اللہ تعالیٰ حضرتلری ایچون کلدر چونکہ
 راحک رقت و نالمی نفسک ضعف و نقصاندرن در بوضع و نقصان ایسہ
 احتیاجی کالیله دفع اولدقن صکرہ محتاجک ہرضنہ دہا برشی زیادہ
 ایدمہز . ذات الوہیتدہ رقت مؤلمہک بولمہ مسی اللہ تعالیٰ ایچون
 کلدر . چونکہ بولنیش اولسہ رحمت فعلیلہ بورت مؤلمہنی نفسندن
 دفع وکندی ذاتی ایچون سہی ایتکی قصد ایتشدہر دینہ بیلیر بواہ
 رحمتک معناسندہ برنقصاندر رحمتک کانی مرحومہ مرحوم اولدیغندن
 طولانی یالسیدر یوقسہ رفتک اُلندن قورتولق ایچون دکلدر .

تنبیہ

رحمن اسم شریفندن عبدک حظی اللہ تعالیٰ حضرتلرینک غافلہ
 قوللرینہ مرحمت وکندیلرینی عنف وشدت کوسترمکسزین وعظ
 ونصیحت ولطف وعاطفت ایله غفلت طریقتدن اللہ تعالیٰ حضرتلرینہ
 چویرمک واللہ تعالیٰ حضرتلرینہ عاصی اولانلرہ رحمت کوزیلہ باقوب
 ایذا کوزیلہ باقسامق وعالمده جاری اولان ہر معصیت کندی معصیتی
 ایش کی او عاصی بی مرحمت قدرتی بتدیکی قدر اللہ رضاسی ایچون
 ازالہ سنہ جالشمق خصوصلرندن عبارتدر . ایستہ عابد بونکہ اللہ تعالیٰ
 حضرتلرینک جوارینہ مستحق اولور .

رحیم اسم شریفندن عبدک حظی ایسہ طاقی بتدیکی قدر محتاجلرک
 احتیاجنی دفع ایتک ، قومشو وبلدہ سندہ کرک مال کرک مأموریت
 ویاخود حقندہ بشقہ لرینہ شفاعتہ سہی طریقلرلہ هیچ بر فقیر
 براقہ مقی اگر بونلرک ہپسندن عاجز ایسہ قلباً دعا وکندیسنہ